

蕪州志卷之十七

知蕪州事嶺西封蔚初纂修

人物志

列女明

國朝已旌節烈各款

未旌節烈各款

列女首旌節重綱常昭

恩典也義莫重於舍生守莫堅於不字故烈婦貞女次之母儀立而後家道成故賢媛又次之未旌諸節採輿論合者胥著於篇要以年與例為斷云志列女

已旌節婦

蕪州志

卷之七

列女

一

明

夏氏 張思清妻年十八夫歿無子立姪文明為嗣家貲雖厚而羅綺不加於體以節終 通志

呂氏 清平衛呂仲貞之女陳溥之妻溥幼隨父從戎於清平因娶焉溥亡氏年甫十八生一子溥父以老疾告還呂家欲畱之氏誓歸蕪與遺孤同生死及歸事舅姑盡禮年八十三卒 通志

李氏 諸生瞿平妻憲副李公鑑池女年十八夫歿以苦節終年六十四卒建坊詳藝文志本傳

顧氏 黃陂舉人劉廷桂子鉞妻貢生顧天錫同母姊
氏適鉞甫十八日鉞赴童子試至團頭河覆舟死屍
潰氏抱痛哭剪髮垢面苦節自甘既而舅姑及夫之
兄弟皆死無所歸仍歸於顧而顧之長兄弟亦皆死
惟存一弱弟與之相依顧氏頗有中貲無賴者利其
產數以梃刃相加氏竭力措拄卒全顧氏之家已而
張獻逆亂作氏偕弟避於江甯年七十四卒姪景星
以喪歸合鉞墓事聞 旌卹 通志 傳詳藝文

劉氏 諸生馬廷實妻年二十夫歿家貧績紉供姑撫

蕪州志

卷之七

列女

二

遺孤如駕成諸生如駕又卒孫甫三歲同媳潘氏撫
之萬曆二年建坊州東門外酈家坡 通志

黃氏 諸生朱用謙妻年二十夫歿撫子垓成諸生苦
節四十餘年垓徒步入都以請得 旌 通志

廖氏 典史張忠祿妻年二十一夫歿祿病革以母老
子弱爲憂氏斷食指與之盟忠祿卒家貧氏紉紉養
姑稱孝婦撫二子克懋克恕成諸生年六十四卒節

已報部 通志

吳氏 陳元妻年二十二夫歿子佳甫四歲氏紡績自

給貞操之節人無異議年六十七卒

傅氏 諸生晏文明妻誥封郡丞印臺伯母年二十二夫歿無子視印臺猶己子憲副元灝及諸孫輩皆所成就年七十五卒

通志

陳氏 羅冠妻年二十三夫歿撫三子姑吳氏老疾氏勤紡績以供孝養苦節三十餘年

黃氏 諸生田祿妻年二十四夫歿家貧不能具饘粥矢志弗渝勤女紅撫遺孤鑿鑰成立年七十三卒

按省志列蘄水誤

蘄州志

卷之十七

列女

三

張氏 主事壽儒妻氏江夏人年二十八儒卒時儒已取科第爲工部都水主事未獲與貤恩之典氏撫遺孤及長訓戒諄復不少寬假伯子濂以貢仕仲芸亦克成立氏以節終

潘氏 易宗元妻年二十八夫歿子東初甫一歲氏痛哭嘔血以死自誓卒能不易所守年八十一卒

通志

劉氏 諸生楊杲妻興國員外郎劉守愚之姊年二十八夫歿無子撫姪芳爲嗣芳本生父楫亦早逝楫妻華氏年未二十與劉課芳得登嘉靖庚子賢書芳又

卒芳妻田氏無子勵志同守劉華年逾八十卒田年六十三卒

通志

按舊通志載有楊杲妻華氏年未二十而杲卒課子芳舉於鄉考州舊志楊杲妻實劉氏又芳乃楫之子則華氏乃楊楫妻應附杲妻劉氏傳中

李氏

張頤妻萬曆二十九年建坊菩提壩

通志

黃氏 諸生陳九德妻年二十九夫歿撫二子因圓貧居力作以供束脯皆成諸生氏姊適朱用謙年二十寡亦能苦節時有黃女雙節之稱

蘄州志

卷之十七

列女

四

朱氏 諸生李震妻年三十夫歿撫三子成立年八十五卒

龐氏 登仕郎王懋仁妻御史王珙祖母以貞節著珙陳其狀於朝建坊鳳山麓

通志

國朝

張氏 吳奎佐妻年十八夫歿撫三月孤苦節三十五年乾隆六年旌

府志

張氏 宋景榮妻 陳氏 諸生宋之煌妻 范氏 諸生宋世駒妻張年十九夫歿撫遺腹子之煌煌生

子世駒俱早逝煌妻陳氏駒妻范氏皆守志乾隆八年以一門三節 旌 府志

張氏 太學生桂佐廷妻年十九夫歿遺腹生一女撫姪登岱爲嗣苦節五十七年乾隆十五年 旌 府志

朱氏 童扶九妻年二十夫歿苦節五十一年乾隆十八年 旌

陳氏 張士模妻年二十夫歿撫遺腹子事祖姑以孝聞苦節三十三年乾隆二十年 旌

董氏 王溥懷妻年二十一夫歿生一女忍死自守以

蘄州志

卷之十七

列女

五

奉舅姑閉幃不出二十餘年撫姪德顯爲嗣苦節五十四年乾隆五年 旌

陳氏 楊眉公妻年二十一夫歿無子撫姪爲嗣以節終乾隆六年 旌 府志

張氏 貢生陳信古妻年二十一夫歿無子撫姪舉爲嗣一夕大雷雨屋傾氏母子俱無恙人謂苦節或有呵護云乾隆九年與姑吳氏以雙節 旌 府志

宋氏 汪執信妻年二十一夫歿足不踰閭撫子之岳成諸生苦節三十二年乾隆十年 旌 府志

石氏 處士高自見妻年二十二夫歿子培甫二歲氏當難離之時誓以死守孝事舅姑事繼姑亦如之教子培成立以恩貢由同知累遷知府轉升溫處道荷 覃恩封恭人

李氏 諸生張仕繩妻諸生李宗嶠女年二十二夫歿撫子正珩年二十四又卒婦何氏遺腹生文煜氏復撫之成立苦節四十四年乾隆三年 旌

郭氏 張復禮妻諸生郭從女年二十二夫歿家貧無子氏毀面厲耳誓不再適依母家紡績年七十三卒

蘄州志

卷之十七

列女

六

乾隆五年 旌 府志

易氏 馮元凱妻舉人易時憲女年二十三夫歿無子元凱弟婦俱亡遺一姪氏愛如已子苦節五十五年

乾隆九年 旌 府志

吳氏 陳法虞妻年二十二夫歿撫孤成立事祖姑以孝聞乾隆九年 旌 府志

周氏 諸生熊楚蘄妻于歸月餘夫歿氏年二十二無子撫姪爲嗣常於密室焚香祝舅姑壽並孤子成立乾隆十一年 旌

吳氏 陳斯祐妻年二十三夫歿紡績以奉繼姑撫六月孤成立苦節三十三年乾隆十二年 旌 府志

鄧氏 吳元桂妻年二十三夫歿甘貧苦節乾隆十二年 旌

董氏 蕭良楫妻年二十三夫歿事繼姑有加禮課子韶嚴四世同居一門雍睦苦節三十年乾隆二十年 旌

陳氏 劉崇文妻年二十三夫歿姑余氏年八十八服勞奉養無間寒暑子二長松次栢俱撫以成名苦節

蘄州志

卷之十七

列女

七

三十八年乾隆二十年與姑以雙節 旌

王氏 程代遠妻年二十三夫歿姑高以節孝聞氏親操井臼勤紡績撫子巖成名苦節三十五年乾隆二

十年與姑以雙節 旌

張氏 董開智妻諸生張梗女年二十四夫歿無子遺腹生一女甘貧守義撫姪炤爲嗣教以成名年六十

卒雍正二年 旌 府志

王氏 張大綸妻年二十四夫歿舅姑老二子翼軫俱幼氏養老撫子後次子及兩媳並喪又撫諸孫孫媳

程氏亦青年守志氏苦節五十餘年雍正三年 旌

府志

錢氏 陳旣均妻年二十四夫歿長子覲文方二歲遺

腹生覲武家貧苦節撫子成立雍正三年 旌 府志

駱氏 張仕超妻年二十四夫歿無子撫姪正驥正紀

為嗣乾隆五年 旌 府志作仕超

詹氏 陳法賜妻年二十四夫歿撫一歲孤事舅姑盡

孝乾隆九年 旌建坊青石嶺 府志

吳氏 駱抒懇妻年二十四夫歿生一女無子立姪為

蘄州志

卷之十七

列女

八

嗣撫之成立乾隆十年 旌 府志

孫氏 周延光妻年二十四夫歿撫孤良弼成立氏少

穎異能誦內則諸篇奉姑孝謹純篤性成苦節八十

一年年九十九乾隆十年 旌表建坊 府志

王氏 顧燕定妻諸生開烈女年二十四夫歿遺孤甫

六月撫之五歲而殤燕定幼姪又喪母而孀姑復值

衰年氏奉姑撫幼咸盡其道苦節三十五年乾隆十

三年 旌 府志

李氏 張仕治妻諸生李之蒼女年二十四夫歿斷髮

納棺中事嫡庶兩姑惟謹撫孤成立苦節三十餘年
乾隆二十年旌

汪氏 田仁浹妻年二十四夫歿遺孤大受甫六月時
夫兄嫂亦相繼亡遺姪大樑僅五歲氏撫立成諸生
旋大受與大樑俱生子早逝氏復撫已孫與姪孫三
世同居戒毋析箸苦節五十五年乾隆二十年旌
建坊

胡氏 何世灝妻年二十四夫歿無子誓死靡他姑諭
以夫弟生子爲之立後氏感姑言奉事惟謹後母氏

蕪州志

卷之十七

列女

九

欲奪其志遂投繯死時黨族親鄰皆書額以褒烈云

張氏 田之紀妻年二十五夫歿遺一孤甫三月家貧
夫兄將更嫁之氏引刀刺面乃已鄰里憐之爲別置
屋以居俾磨豆作生活養姑哺子自食豆屑撫夫姪
成立苦節三十六年乾隆十二年旌

柯氏 洪方谷妻年二十五夫歿撫遺腹子苦節三十

九年乾隆十二年旌

府志

余氏 諸生劉鏞妻年二十五夫歿事姑以孝聞撫子
崇文年二十四卒氏與媳陳氏撫孫成立苦節六十

三年乾隆二十年以姑媳雙節 旌有坊

王氏 諸生張棻妻年二十六夫歿遺子女各一撫子

仁壽成立姑歿倍服衰麻以伸夫志苦節四十年乾

隆五年 旌 府志錢志作芬

張氏 王有憲妻年二十六夫歿撫孤德駟又歿媳胡

氏生子承彬甫三月亦守志各苦節三十九年乾隆

十二年以姑媳雙節 旌 府志

王氏 諸生董開勳妻年二十六夫歿撫遺腹子家貧

灌園紡績勳叔父母無子生養卒葬氏身任之苦節

蕪州志

卷之十七

列女

十

四十六年乾隆十五年 旌

金氏 諸生李澤潤妻廣濟翰林檢討金德嘉女年二

十七夫歿奉姑與同臥起姑嘗曰老人苦中得甘惟

節婦是賴耳教子永芬成諸生年六十五卒雍正二

年 旌建坊官井 府志

居氏 童應修妻濟邑諸生居大祐女年二十七夫歿

遺孤有稔全任接驗鄰婦江氏馮氏家貧少寡氏每

出餘貲相助以成其操教子接驗成諸生孫嶧峴諸

生巒乾隆壬申副榜三世同居皆氏教也乾隆十二

年旌 府志

高氏 江有宗妻年二十七夫歿撫孤成立苦節四十五年乾隆十七年 旌

鄭氏 王民懷妻年二十八夫歿撫子德驗後德驗夫婦繼亡孤成宗幼立民懷姪華封為嗣娶沈氏而華

封又卒氏與沈共撫承宗娶胡氏而承宗又卒三寡子立形影相弔族人為沈立嗣子岱為胡立嗣子瑛

苦節五十五年乾隆六年 旌 府志

呂氏 劉峯妻年二十八夫歿撫二子苦節三十六年

蕪州志 卷之十七

列女

十一

乾隆六年 旌 府志

陳氏 胡備三妻年二十八夫歿撫子宗謙成名苦節五十五年乾隆六年 旌 府志

張氏 李來亨妻年二十八夫歿事姑孝謹撫孤成立乾隆十年與子由虞以孝行並 旌 府志

張氏 諸生張樞妻濟邑生員張左黃女年二十八夫歿遺孤點朝柱煥葵教朝柱成諸生苦節三十二年

乾隆十二年 旌 府志

朱氏 吳允執妻年二十八夫歿姑老病脫齒氏嚼米

供朝夕子三洪道洪美撫之成立儀度成諸生孫曾
五十人苦節六十年乾隆十七年 旌

陳氏 王作霖妻年二十九夫歿性至孝事繼姑及祖
姑惟謹綜理家政教于德滋成諸生德溢亦成立乾

隆五年 旌 府志

張氏 候補知縣陳治猷繼妻 劉氏 陳治猷側室

張年二十九守節劉年二十五守節張無子劉生子
文藻治猷元配葉氏早亡生子文獻二氏撫如已出
文獻卒復撫兩孫成立張守節二十年劉守節四十

蕪州志

卷之十七

列女

十三

九年俱乾隆七年 旌 府志

易氏 諸生王亮猷妻年二十九夫歿無子撫姪開畿
爲嗣娶媳而卒氏與媳張氏相依撫三孫世永世通

世湛俱成名乾隆八年 旌 府志

沈氏 管宗咸妻年二十九夫歿撫孤次子樸成諸生

乾隆十年 旌 府志

張氏 諸生葉舒馥妻年二十九夫歿子三遺腹一撫
之成立後多相繼亡季媳韓年二十無子亦守志氏
立長子之子芬爲其後族有梁氏者寡而貧氏收之

俾得所教少子燦昱成諸生苦節三十八年乾隆十二年 旌 府志

田氏 陳芳軾妻年二十九夫歿撫兩孤及一孤姪皆成名初軾弟早亡氏與弟婦宋力支數喪形影相弔人稱雙節宋早逝未旌田氏乾隆十二年 旌

按芳軾卽學坡錢志誤作兩人

張氏 胡啟商妻年二十九夫歿撫二孤長浚早卒媳方亦守志氏苦節三十九年乾隆十三年 旌 府志

何氏 諸生李本綦妻年少守志撫子坦與澤厚值風

蘄州志

卷之十七

列女

十三

雨暴至壞墻屋氏與二子俱無恙鄉里驚爲神護後子坦知趙州迎養署中進以縑衣卻之年八十三卒贈宜人康熙三十七年 旌建坊曹家巷 府志

諸氏 諸生李之璫繼妻紹興人年少守志以父尉蘄適璫生子槃甫三月綜理家政教夫元配三子桂采梅及槃俱成名婢駱高氏早寡與氏同榻終節年五十八卒雍正三年 旌 府志

熊氏 太學生王琦妻茶陵知州熊應昌長女年少守志遺二子事姑撫子並著慈孝雍正三年 旌 府志

陳氏 梅春幹妻年少守志撫子希中成立雍正三年
旌建坊崇居鄉 府志

吳氏 太學生陳正芳妻年少守志遺二子俱幼夫病
篤時氏齧指血滴夫掌中誓以養親撫孤自任服闋
歸甯其母勸以改適氏痛哭奔回翦髮焚夫靈前終
身不至母家撫子信古述古俱成名苦節三十四年
雍正九年 旌 府志

顧氏 李永觀妻景星女幼讀內則女誡諸書明禮義
年二十八夫歿事祖姑何存沒盡禮教子敷生成明

蘄州志

卷之十七

列女

古

經年六十二卒乾隆二年 旌 府志

羅氏 張必相妻年少夫歿性至孝通曉大義明末寇
難韓總戎招必相運籌幕府必相散已產給土寇使
歸爲農皆氏助成之相卒子拱辰亦早世與媳王氏
各終節乾隆五年以姑媳雙節 旌 府志

蔡氏 張盛濤妻 田氏 張盛熹妻乾隆五年以娣
姒雙節 旌 府志

嚴氏 田本起妻 徐氏 田本貴妻均年少夫歿各
撫二子乾隆六年以娣姒雙節 旌 府志

張氏 張宗霖妻 朱氏 張明萬妻 姑媳皆年少夫

歿乾隆八年以姑媳雙節 旌 府志

李氏 陳欲瑛妻 生員李宗嶠女 年少夫歿無子 或欲
嫁之 氏剪髮厲面以拒立姪洪樞為嗣 乾隆九年

旌 府志

鄧氏 吳又岡妻 年少夫歿 苦節三十六年 乾隆九年

旌 府志

張氏 余藩妻 年少夫歿 以節終 乾隆九年 旌 詳藩

傳 府志

蕪州志

卷之十七

列女

五

張氏 太學生呂琮妻 年少夫歿 遺一子復天立姪寅

亮為嗣 教之成立 苦節三十六年 乾隆十二年 旌

府志

章氏 張復俊妻 濟邑生員章亮采女 年少夫歿 家貧

勤紡績 撫孤有伸 又卒偕孀媳撫孤 成立 苦節五十

四年 乾隆十四年 旌

李氏 王鎬衍妻 年少夫歿 撫孤茂清 就傅時 修脯皆

取給 女工後得成就 年六十七卒 乾隆十八年 旌

田氏 龔渭泚妻 王氏 龔臣安妻 渭泚卒 田剪髮

附棺矢志不二子臣安又卒媳王氏繼姑志撫子文海文魁田苦節五十五年王苦節三十五年乾隆二十年以姑媳雙節旌

高氏 程世瑛妻年少夫歿撫孤代遠不事膏沐言不出柩後子代遠卒媳王氏亦守節乾隆二十年以門雙節旌 以上已旌

黎氏 朱美家妻年二十六夫故氏立志守節事姑朝夕不倦無子立胞姪廷珍爲嗣慈愛如已出苦節六十餘年

蕪州志

卷之十七

列女

夫

李氏 林時茂妻年二十六夫故遺一子矢志守節不幸妖亡氏依夫弟夫弟亦相繼卒氏苦績事姑姑逝喪葬如禮以節終同治八年旌

胡氏 陳孔泗妻孝廉陳錦文次媳年二十七夫歿無子立姪爲嗣事翁姑惟謹後嗣子嗣孫相繼卒孑然一身積紡績餘羨承夫志置田五斗五升捐作通戶考費又捐田一石作胡姓考費苦節三十九年

何氏 衛守府職蔡蘭圃妻年二十七夫歿遺孤世錦甫一歲鞠育劬勞教之成立事翁姑孝行無間族里

稱之以節終

柯氏 太學生袁壽妻年二十九夫歿撫子錫純教之
業儒授室後生子升季尋卒媳嚴氏年二十二亦守
志家貧勤紡績以葬夫養姑孝謹教子誦讀以積學
著名授室後生五子復卒妻褚氏亦年少守志家益
窘饑寒交迫事姑不怠撫五子俱能成立克全家道
三代貞節萃於一門閭里誦之柯苦節三十八年嚴
褚均以節終
以上已旌

蕪州志

卷之十七

列女

七